

Ji` la'uii~ e cajme' JUAN

E~ uiing~ e calf e ji` la

1 Lalab fii i 'nú' e fi' ni~ ji` la cuaiñ quiá' jaang` i niseeng` lajii~ mi~ nú' gui nitiroo~ jmigüi~. Jo dseá i` dseáng' nicanú' baa' jial fé'r, jogui nicaneem~ baa'r dseáng' quini' naa' lana, jogui nicalé' naa' cuente e dseá la jneaa' aab' líiñ, co' quiá' lanab nicalisé' naa' cóo' r' la'ó' jnea', dseá oo' naa' ta~ quiá' Fidiéé. Jo dseá íb' Dseá Jmáang~ i cuó' e ee~ dseá lata~ cóo' Fidiéé. ² Jo i dseá i cuó' e jo dseáng' nica'éem' 'nia'r' fi' jmigüi' la, jo nicaneem~ baa'r, joba' nicaníi' naa' júu^ quiá' jalé' e nicane' naa' quiá'r'; jogui lana guiá' naa' júu^ jee~ 'nú' quiá' i dseá i cuó' e ee~ dseá lata~ cóo' Fidiéé do, jo dseá íb' cajo i caguá' fi' ñiff lamí~ jéeng' gui cóo' Tiquiá'r', jogui i Tiquiá'r' do nica'éem' bre dseá do jee~ jneaa' aab' fi' jmigüi' la. ³ Jo lajob júu^ e guiá' naa' jee~ 'nú' quiá' lajii~ e nicané' naa' jogui lajii~ e nicanú' naa' quiá' dseá i, co' ii' naa' e 'nú' seeng' na' cøøm' cóo' jnea' laco' gui jnea' cøøm' seé' naa' cóo' Tiquí' ii' Fidiéé dseá guing~ ñiff coling~ gui cóo' Joor' Dseá Jmáang'. ⁴ Joba' jmo' naa' jalé' e

júu^ la quií' na' e laco' nicuó' e iáang` dsi' naa' laco' sí' í'.

Fidiéé líiñ jaang` i jing' jlo'^

⁵ Jo e lab e júu^ e ca'e' Dseá Jmáang~ jnea', jo e job e ée' naa' 'nú' lana, e Fidiéé líiñ jaang` i jing' jlo'^, jo jii~ capí' e nuu' só' ja' sea' quiá'r'. ⁶ Jo mi~ fé' naa' e cøøm' seé' naa' cóo' Fidiéé, jogui dsu' lajee~ jo beám' dsee~ yee' naa' laco' gui la jmóo' i dseá i seeng' fi' lí' nuu' só', joba' jmigøøm' yee' naa' cóo' e fé' naa' do jóng, co' ja' jmoo' naa' laco' gui la iing~ Fidiéé e nijmó' oo'. ⁷ Dsu' song seé' naa' cøøng' cóo' Fidiéé i jing' jlo'^ do, joba' cøøm' seé' naa' lajee~ la'ó' rú' naa', dseá líi' naa' dseá quiá' Dseá Jmáang~, jogui nileám' baa' jee~ dsee~ quí' ii' la'eáang' cóo' jmi'øøng~ Jesús i líing' Joo' Fidiéé e catuu' mi~ cajúñ.

⁸ Jo mi~ fé' naa' e ja' dsee~ røø' naa' jii~ coo, joba' líi' lí' jmigøøng' yee' baa' jóng, co' ja' léé' ee' júu' ja' quiá' Fidiéé. ⁹ Jo dsu' song jmoo' baa' júu^ røø' uii~ quiá' jalé' dsee~ quí' ii' fi' quini' Fidiéé, joba' dseáng' nisita' dsi' naa' e guiáb' ée' Fidiéé cóo' jneaa' aab', jogui jmiti' bre júu^ quiá'r' e ím' bre jalé' dsee~ quí' ii' jogui

láaiñ` jnea`aa' jee` jalé` e ga` e jmoo`naa'. ¹⁰Jø dsu' song fé'naa' e ja` dsee` mí` ca'ee`naa' jii'` coo', joba' líí' e lafa' fé'naa' e adseaam` Fidiéé` song lajo; jo ja` léé'ee' dseáng'` lajang'` júu` já'` quiá'` dsea` do song lajob` fé'`ee'.

**Dsea` Jmáang`bing' mi'`
Fidiéé` cuaiñ` quí`ii'**

2 Dsea` rú'naa' i` 'neáan`n eáang', jmo'`o e júu` la e catíng`na' e laco' ja` ee`na' dsee`. Jø nañi' fa' sea`bre mi` jiúng`na' ni` dsee`, dsu' seem` jaang` i` jmicóo'` jnea`aa' i` mi'` Tiquí`ii' dsea` guing` ñiff` cuaiñ` quí`ii', jø íb` Dsea` Jmáang` i` ée` guiá' do. ²Jøgui dsea` íb` i` cajúng`-fí` dse'` crúu` e laco' ca'íng`-lajii'` dsee` quí`ii' e røø`naa' fí` quini'` Fidiéé`. Dsu' o' jii'` dsee` quí`ii' yee`ee' dsea` líí`ii' dsea` quiá'` Dsea` Jmáang` e ca'íiñ`, co' lajob` ca'íiñ` dsee` quiá'` lajiing` dsea` jmigüí' cajo.

³Jø song núu'`baa' jalé'` júu` quiá'` Fidiéé`, joba' nisitab` dsi`naa' e nicalicuíim`baa're jóng. ⁴Jø song seeng` dsea` jín'` e cuíim`bre Fidiéé` jø dsu' ja` núu'r` lajii'` júu` quiá'` dsea` do, joba' i` dsea` í` líiñ` jaang` i` adseaang`, co' ja` quier` júu` já'` quiá'` Fidiéé'. ⁵Jø dsu' song seeng`gui dsea` i` contøøm` núu'` júu` já'` quiá'` dsea` do, joba' lita` dsi`naa' e dsea` í` 'neáam`bre Fidiéé` laco' si'í'; jo song jmoo`baa' lajo, joba' líne`naa' e cøøm` see`naa' cóo'` Fidiéé'. ⁶Jø song seeng` dsea` i` jíng'` e cøøm` seeiñ` cóo'` Fidiéé`, joba' 'né` ni'é'r` laco'gui ca'éé` 'ñaia'` Dsea` Jmáang` fí` jmigüí' la.

Júu` 'né` liti` e nisea` latí` mi` uiing`

⁷Dsea` rú'naa' i` 'neáan`n eáang', ja` líí' laco' coo' júu` 'míi` e júu` e

'né` liti` quiá'` Fidiéé` e jmo'`o la e catíng`na', co' e lab cajo e ca'íng'` 'nú'` latí` mi` calicuíng`na' Dsea` Jmáang`. Jø e júu` e 'né` liti` do ja` sisíng` cóo'` e júu` e ca'íng'` 'nú'` lami` jéeng`gui do. ⁸Jøgui dsu' e júu` e 'né` liti` e jmo'`o la quíi`na' lana laco' coo' júu` 'míib` líí'; jo dseáng'` jáb'` e júu` jø, jø cajmitib` Dsea` Jmáang` laco'gui jmití` 'nú'` cajo, co' nicango'íim` e nuu` sò' do, jø lana nicanaang` jíng'` i` jíng'` jlo'` do.

⁹Jø song seeng` dsea` i` jíng'` e cøøm` seeiñ` cóo'` i` jíng'` jlo'` do jø dsu' 'ní'` níim`bre dsea` rúiiñ`, joba' i` dsea` í` fí` lí` nuu` sò'` bi` seeiñ`. ¹⁰Jøgui i` dsea` quiá'` Dsea` Jmáang` i` jmi'neáang` rúng'`, cøøm` seeiñ` cóo'` i` jíng'` jlo'` jø ja` e uiing` sea` quiár` e nitéiñ` fí` ni` dsee`. ¹¹Jø dsu' i` dsea` i` 'ní'` níng`-rúng'` do, seem`bir e jmóor` laco'gui la jmóo` dsea` i` seeng` fí` lí` nuu` sò'`; jo jii'` ja` ñir` jie` fí` lí` ngóor`, co' fí` lí` nuu` sò'` dob seeiñ`, joba' líí' lafa' tiuum`bre.

¹²Dsea` rú'naa' i` lafa' jóo`o, jmo'`o e júu` la e catíng` 'nú'` quiá'` e jmiguiéng'` áa'na' e nica'fím` Fidiéé` dsee` quíi`na' la'eáang` cóo'` jalé'` e calíng` Dsea` Jmáang` fí` dse'` crúu`. ¹³Jøgui jmo'`guíi e júu` la quíi` 'nú'`, dsea` líng`na' dsea` cøøng'` jee` dsea` quiá'` Dsea` Jmáang`, quiá'` e jmiguiéng'` áa'na' e nicuíim`ba' i` niseeng` lajii'` mi` nú'`gui nitiroo` jmigüí' do. Jøgui jmo'`guíi e júu` la quíi` 'nú'`, dsea` i` ni'lé'` cuíng`na' Dsea` Jmáang`, quiá'` e jmiguiéng'` áa'na' e nicalí'`ba' e jo` lí'` fii'` i` 'líng'` jmigøøiñ` 'nú'`.

¹⁴Dsea` rú'naa' i` lafa' jóo`o, nab nicajméel` e quíi`na' e laco'

nijmigiéng' áa'na' e nicalicuíim'ba' Tiquí'ii' Fidiéé. Jogui nicajmée' baa quíi'na' cajo jaléng' 'nú', dseà líng'na' dseà còong' jee dseà quiá' Dseà Jmáang, e jmigiéng' áa'na' e nicuíim'ba' i niseeng' lajii' mi' nú'gui nitiroo' jmigüi' do. Jogui nicajmée' bíi quíi' 'nú', dseà i ni'lé' cuíng'na' Dseà Jmáang, e jmigiéng' áa'na' e nica'íim'ba' júu' quiá' Fidiéé car' ngocáng' óo'na', jo ja' mí' catiúung'na' jii' capí', jo nicalí'ba' e jo lí' fii' i 'líng' jmigóo'íñ' 'nú'.

¹⁵Joba' fii' guíi' jaléng' 'nú' e ja' síng' yaang'na' fí' ga, o'gui jmoo'na' dsináang'na' jalé' e 'lí' e sea' fí' jmigüi'; jo song seeng' dseà i jmoo' lajo, joba' i dseà í' ja' 'neáaiñ' Tiquí'ii' Fidiéé. ¹⁶Co' jalé' e 'lí' e lí' dsíi' dseà fí' jmigüi' la ja' jáa' quiá' Tiquí'ii' Fidiéé, co' quiá' i 'líim' lí' jáa' do cofa' jalé' e la: mi' lí' dsíi' dseà jalé' e iing' ngúu' táaiñ' fí' jmigüi' la, jogui mi' dsináaiñ' lí' doñi' eé' 'lí' cangár' fí' jmigüi' la, jogui mi' iin' e í' bre silíi'r' jalé' e jlo' e sea' fí' jmigüi' la e laco' jmféng' dseà ír'. ¹⁷Dsu' coob' mi' nití' í' e ni'íing' lajii' bí' e sea' quiá' i 'líng' fí' jmigüi' la colíing' coo' jalé' e 'lí' e dsináang' jaléng' dseà jmigüi'. Jogui jaléng' i dseà i jmoo' jii' e iing' Fidiéé, latab' niliseeiñ' còong' coo' dseà do.

Jial ní' dseà jnang' júu' e já' jogui jnang' júu' e o' já'

¹⁸Dseà rú'naa' i 'neáan'n eáang', lana nijaquíéng' e tí' lí' ni'íim' jmigüi'. Jogui nicanáub' 'nú' e nú' guijia e jo, nijáa' jaang' dseà

i 'líng' i 'ní' ní' quiá' Dseà Jmáang. Jo nicaliñi' baa' røø' e téeb' róo'gui jmigüi', co' latí' lanab nicanaang' ngí' fíing' dseà i 'ní' ní' quiá' Dseà Jmáang. ¹⁹Jo jaléng' i dseà í' cangotáam' bre jee jneaa'aa' lamí' jéeng'gui, dseà líi'ii' dseà quiá' Dseà Jmáang, dsu' catiúum' tur jneaa'aa'; cofa' mi' ja' cajmээр' lajo, joba' quíim' bir jee jneaa'aa' latí' lana jóng, dsu' catiúum' bre jneaa'aa'. Jo calí' lajo e laco' caliñi' dseà røø' e jii' jaang' i dseà do líiñ' laco' jneaa'aa', dseà líi'ii' dseà quiá' Dseà Jmáang.

²⁰Dseà rú'naa', Dseà Jmáang' nicaguíñ' jneaa'aa', dseà líi'naa' dseà quiá'r, e nicangíing'naa' Jmigiú' quiá'r, jo lajoba' nine'naa' jnang' dseáng' júu' já'. ²¹Jo uiiing' joba' jmo'o e ji' la e catíing' 'nú', dsu' ofa' uii' e ja' mí' cuíi'na' jnang' júu' já'; co' 'nú', dseáng' røøb' niñi'na' e jo. Jogui ní'bi' 'nú' cajo e jii' coo' júu' já' ja' cuòong' nigüi'fíng' jee júu' e o' já'. ²²Joba' fá' jnea': ¿í' i dseà adseang' do? Co' íb' i dseà i fé' e o' já' e Jesús líiñ' Dseà Jmáang. Jo íb' i dseà i 'ní' ní' quiá' dseà do, dsuco' mi' 'ní' níiñ' Joo' Fidiéé joba' 'ní' níim' bre la quie' Tiquiá' dseà do cajo. ²³Jo doñi' ii' i 'ní' níing' Joo' Fidiéé, lajob' 'ní' níiñ' Tiquiá' dseà do cajo; dsu' i dseà'gui i fé' e jáb' e Dseà Jmáang' cagüéiñ' e líiñ' jaang' dseà jmigüi', joba' dseà do e já' ba' cuíiñ' Dseà Jmáang' jóng, jogui nicuíim' bre la quie' Tiquiá' dseà do cajo.

²⁴Jo fii' guíi' 'nú', jie' mí' tú'na' e júu' já' quiá' Dseà Jmáang' e canáub' na' latí' mi' uiiing' do. Jo

song ja` catiúung`na' e júu` jo, joba' cõm` niliseeng`na' cõo' Jõo' Fidiéẽ jogui lajobi cõo' Tiquiá' dseà do cajo. ²⁵ Jo e lab e júu` e dseáng' nicacuø' Dseà Jmáang` jneaa`aa', e niliseẽ`naa' cõong` cõo' Fidiéẽ` lata`. ²⁶ Jo nicajmée' e e júu` la quí'na' e laco' niliñí'na' quiá' jaléng' dseà i iing` nijmigõong` 'nú' e nisiñ' 'nú' fí` gá. ²⁷ Jo dsu' la'eáang` e seem` Jmiguí` quiá' Fidiéẽ` cõong` cõo' 'nú' e cangíing`na' cacuø' Dseà Jmáang` do, joba' ja' 'neáng`na' e dseà jiéng' ni'é' 'nú' laco'gui jíi' e niñí'na', cõ' 'niab' Jmiguí` quiá' Fidiéẽ` e e' 'nú' jalé' e 'ne` niliñí'na'. Jo jalé' e er' do jmang' júu` jáb', jo jíi' cõo' fa' líi` júu` e o' já'. Joba' fíi` 'nú', jie` mí` tũna' e seeng`na' cõong` cõo' Dseà Jmáang` laco'gui nica'e' Jmiguí` quiá' Fidiéẽ` 'nú'.

²⁸ Joba' fá'guíi` dseà rú'naa' i 'neáan`n eáang`, jie` mí` tiúung`na' e seeng`na' cõong` cõo' Dseà Jmáang`, jo lajoba' nisita` dsí'naa' e jo` 'gõ'naa' o'gui i' líing`naa' fí` quinir` mí` nigüéeng`tũr fí` jmigüi' la. ²⁹ Cõo' niñí'b` 'nú' guiá' e Dseà Jmáam`bing' i dseáng' ée` guiá', jogui niñí`bi` 'nú' cajo e doñí` i dseà i ée` guiá' contõong`, dseà íb` dseáng' i líing` jõo' Fidiéẽ`.

Jial líi' mí` uíing` dseà jõo' Fidiéẽ`

3 Joba' fíi`guíi` 'nú', dseà rú'naa' dseà quiá' Dseà Jmáang` i 'neáan`n eáang`, ñíi'na' jial tíi` 'neáang` Tiquí`ii' Fidiéẽ` jneaa`aa', cõo' í`bing' nicacuø' jneaa`aa' e líi`ii' laco' jõo'bre. Cõo' e já', dseáng' jõo'bre líi`ii'. Jo uíi' e lajob líi'naa', joba' jaléng' i

dseà i ja` mí` calicuíing` Fidiéẽ` ja` cuiiñ` jneaa`aa' cajo. ² Jogui lana, dseáng' jõob' Fidiéẽ` nilí`ii'; dsu' ja` ne`ee' røø` ee' e nidsijéé` quí`ii' cõong`gui, lifa' nisitab` dsí'naa' e mí` nigüéeng`tũ Dseà Jmáang` fí` jmigüi' la, joba' ie` jo nilíi'naa' laco'gui la líing` Fidiéẽ` 'ñia'r', dsuco' niline`baa' jial dseáng' líing` dseà do. ³ Jo doñí` i dseà i nita` dsíi' e nilíiñ` laco'gui Fidiéẽ` mí` nijáa'tũ Dseà Jmáang`, joba' nijmi'úuiñ` e ni'é'r` guiá' laco'gui dseà do 'ñia'r'.

⁴ Dsu' doñí` i dseà i beáng' dsee` yaang`, joba' jmóor` laco'gui dseà i 'líng' i 'ní' níing` Fidiéẽ`, dsuco' dseeb` mí` 'ní' níing` dseà Fidiéẽ`. ⁵ Jo 'núb' niñí'na' guiá' e cajá` Dseà Jmáang` fí` jmigüi' la e caja'íiñ` dsee` quí'baa', jo dseà íb` dseà i ja` røøng` jíi' cõo' dsee`. ⁶ Jogui doñí` i contõom` seeng` cõong` cõo' Dseà Jmáang`, joba' ja' beáng' dsee` yaaiñ`. Jogui doñí` i beáng' dsee` yaang`, joba' dseáng' ja` mí` cangáaiñ` dseà do o'gui cuiiñ` dseà do cajo. ⁷ Joba' fíi`guíi` 'nú', dseà rú'naa' i 'neáan`n eáang`, ja` cuø' fí` yaang`na' e nijmigõong` dseà 'nú'; cõo' song jaang` dseà éer` guiá' laco' catíing` e jmóo` jaang` dseà quiá' Dseà Jmáang`, joba' dseà guiúm` líiñ`, cõo' guiáb` éer` laco'gui 'ñia' dseà do. ⁸ Jogui song seeng` dseà i ja` tũ e beáng' dsee` 'ñia'r', joba' dseà quiá' fii' i 'lim' líiñ`, dsuco' í`bing' i beáng' dsee` 'ñia' latí` mí` uíing`. Jo uíing` joba' cajá` Jõo' Fidiéẽ` fí` jmigüi' la e laco' ni'íiñ` jalé' ta` quiá' fii' i 'líng' do. ⁹ Jo jíi' jaang` dseà i líing` jõo' Fidiéẽ` jmóor` ta` jmirõng`gui dsee`

'ñaia', dsucol i dseà í seein̄ la'eáang' cóo' Jmiguí' quia' Fidiéeb'; joba' jo' catíin̄ fa' ni'é' guir dsee, co' jóo' Fidiéeb' nilíin̄. ¹⁰Co' nine'baa' røø' í i líng' jóo' Fidiéé' jogui i líng' jóo' fií i 'ling' cajo, co' doñí' ii' dseà i ja' ée' guíú' fí' quini' Fidiéé' o'gui jmi'neáain̄ dseà rúin̄', joba' i dseà í ja' já' e líiin̄ jóo' Fidiéé'.

'Né' nijmi'neáam'baa' dseà rú'naa'

¹¹Jø latí' mi' uiim' nicanáú' 'nú' e 'né' jmi'neáang'naa' dseà rú'naa'. ¹²Jø ja' güijmeáang' yee'naa' lacol' Caín, dseà cali'iiin̄ e calíin̄ dseà quia' fií i 'ling'; jo uí' e lajoba' cajngaiñ' jaang' rúin̄' dseà ngáang' cóo'r, co' jmang' e guíú'b' ca'ée' i 'líi' rúin̄' do, jogui 'ñaia'r' jmang' e gab' ca'éer'.

¹³Joba' fíi'guí' 'nú', dseà rú'naa' dseà quia' Dseà Jmáang', ja' güidsigá' óo'na' e 'ni' níing' jaléng' dseà jmigüí' i ja' cuíng' Dseà Jmáang' 'nú'. ¹⁴Jø nine'baa' e jo' líi'guí' lafa' 'líing'naa' uí' dsee' quí'ii', co' lanagui cøøm' niseé'naa' cóo' Fidiéé'. Jø guíú'b' nine'ee' e jo, co' jmi'neáam' rú'naa' la'ó' jneaa'aa', dseà líi'ii' dseà quia' Dseà Jmáang'. Jogui i dseà i ja' jmi'neáang' dseà rúng', lafa' 'líim' bir líiin̄' uí' dsee' quia'r'.

¹⁵Jøgui doñí' ii' dseà i jmóo' ta' 'ní' níing' rúng' líiin̄' lacol' jaang' dseà i jmóo' ta' jngang' rúng'. Jogui 'náb' niñí'na' cajo e jíi' jaang' dseà i jmóo' ta' jngang' rúng' cuøøng' liseeíñ' cøøng' cóo' Fidiéé' lata'.

¹⁶Jø nicuí'baa' jial lí' e jmi'neáang' dseà rúin̄' do, co' lajòb' cajmée' Dseà Jmáang' e 'neáain̄' jneaa'baa' mi' cajáng' 'ñaia'r' e cajúin̄' fí' dse'

crúu' uí' dsee' quí'ii'. Jø lajòb' 'né' jmó' jneaa'aa' cajo e nijáang' yee'naa' e nijmicóo' rú'naa', jo lajòba' cuø' lí' e jmi'neáam' rú'naa'. ¹⁷Faco' jaang' dseà i seab' jalé' e 'né', jogui ní'bre cajo e seem' dseà dseáng' laniing' 'né' e licóo'r, jo dsu' jíi' coø' ja' e jmicóo'r i dseà í, joba' ja' 'neáang' i dseà do Fidiéé', co' ja' jmicóo'r i dseà rúin̄' do.

¹⁸Joba' fíi'guí' 'nú', dseà rú'naa' i lafa' jóo'o, ja' cá'na' júu' ta' júu' e fól'na' e jmi'neáang'na' dseà rúng'na'; co' la tíi' la líib' júu' 'né' cá'na', jo lajòba' nilíli' e dseáng' jmi'neáam' rúng'na'.

Jial ta' dsíi' e see'naa' cóo' Fidiéé'

¹⁹Jø song jmi'neáam' rú'naa', joba' dseáng' nitab' dsi'naa' e líi'ii' dseà quia' Fidiéé', jo lajòba' nine'naa' røø' e jo' í' líi'naa' mi' nit' fí' quini' dseà do, co' jmi'neáam' rú'naa'. ²⁰Jø song í' líim'baa' fí' quini' Fidiéé' uí' e jmoo'naa' jalé' e ja' catíing' do, joba' güiguiéng' dsi'naa' e dseáng' dseà féng' líiin̄' jogui niñir' lajalé'. ²¹Joba' fíi'guí' 'nú' dseà rú'naa' i 'neáan' eáang', song ta' dsi'naa' e ja' í' líing'naa' fí' quini' Fidiéé', joba' nitab' dsi'naa' e ja' 'né' jmó'oo' 'gó'naa' fí' quini' mi' féng'naa'r' jóng. ²²Joba' mi' míi'naa' Fidiéé' lí' doñí' eé, núu'bre júu' quí'ii' jo lajòba' ngíim'baa', co' náu'baa' júu' quia'r' e 'né' líti' do, jogui jmoo'baa' jalé' e íaang' dsíi' cajo. ²³Jø e lab e júu' quia' Fidiéé' e 'né' líti' do, e nijáang' yee'naa' fí' jaguó' Fíi'naa' Dseà Jmáang', jogui e nijmi'neáang'na' dseà rú'naa' lacol' ta' quíu' Fidiéé'. ²⁴Jø doñí' ii' dseà

ĩ náu[~] jalé[^] júu[^] e 'né[^] liti[~] quiá[~]
Fidié[~], joba' cøøm[~] seeĩñ[~] cóo[~]
Fidié[~], jogui dsea[~] do seem[~] bre
cøøng[~] cóoĩñ[~] do cajo. Jo ne[~] baa'
e seem[~] Fidié[~] cóo[~] jneaa[~] aa'
la'eáang[~] cóo[~] Jmiguí[~] quiá[~] r' e
nicangíing[~] naa' do.

**Jial líi' Jmiguí[~] quiá[~] Fidié[~] jogui
jial líi' bí[~] quiá[~] dsea[~] i 'ling[^]**

4 Jøba' fíi[~] guíi[~] 'nú[^]', dsea[~]
rú[~] naa' i 'neáan[~] eáang[~],
ja[~] já[~] güilíing[~] na' quiá[~] jaléng[^]
dsea[~] i fé[^] e la'eáang[~] cóo[~] Jmiguí[~]
quiá[~] Fidié[~] ba' guiar[~] e júu[^]
quiá[~] r' do, co' la'uii[~] jang[^] cá[^] na'
cuante su e júu[^] e guia[~] i dsea[~] do
guiar[~] la'eáang[~] cóo[~] Jmiguí[~] quiá[~]
Fidié[~] osi la'eáang[~] cóo[~] bí[~] quiá[~]
i dsea[~] i 'ling[^] dob é. Co' fíim[~] dsea[~]
niseeĩñ[~] lana e jmigóor[~] e fé[^] r' cuaiñ[~]
quiá[~] Fidié[~], dsu' o' já[~] e lajo. ²Jo
niliñí[~] b[^] 'nú[^]' i i guia[~] júu[^] la'eáang[~]
cóo[~] Jmiguí[~] quiá[~] Fidié[~]: co'
doñi[~] ii[~] i jíng[^] e já[~] ba' cagüéng[~]
Dsea[~] Jmáang[~] fí[~] jmigüí[~] e líiĩñ[~]
jaang[~] dsea[~] la jneaa[~] aa', dsea[~] líi[~] ĩi'
dsea[~] jmigüí[~], joba' dsea[~] íb[~] i guia[~]
júu[^] la'eáang[~] cóo[~] Jmiguí[~] quiá[~]
Fidié[~]. ³Jo doñi[~] ii[~] i fé[^] e ja[~] já[~] e
Jesús cagüéĩñ[~] lajo, joba' i dsea[~] í[~]
ja[~] fé[^] r' la'eáang[~] cóo[~] Jmiguí[~] quiá[~]
Fidié[~], dsuco[~] fé[^] r' la'eáang[~] cóo[~]
jmiguí[~] quiá[~] i 'ling[^] i 'ní[^] ní[~]
quiá[~] Dsea[~] Jmáang[~]. Co' ninúb[~]
'nú[^]' lamí[~] jéeng[~] gui e dseáng[^] nisí[~] í'
quijgeáam[~] bí[~] quiá[~] i dsea[~] i 'ling[^]
do jee[~] dsea[~] jmigüí[~], jo latí[~] lana,
lab niquijgeáain[~] fí[~] jmigüí[~] la.

⁴Dsea[~] rú[~] naa' i lafa[~] jóo[~], 'nú[^]
seeng[~] na' la'eáang[~] cóo[~] Jmiguí[~]
quiá[~] Fidié[~], joba' ja[~] mí[~] cali[~]
i dsea[~] i ngí[~] ta[~] jmigóo[~] do

fa' nicajmigóoĩñ[~] 'nú[^]'; dsuco[~]
'gøng[^] gui Jmiguí[~] quiá[~] Fidié[~] e
seeng[~] jee[~] 'nú[^] laco[~] gui bí[~] quiá[~] i
dsea[~] i 'ling[^] i quijgeáang[~] jee[~] dsea[~]
i ja[~] cuíing[~] Fidié[~]. ⁵Jo jaléng[^] i
dsea[~] i ngí[~] ta[~] jmigóo[~] do líiĩñ[~] dsea[~]
i ja[~] cuíing[~] Fidié[~], jogui fé[^] r' quiá[~]
lajíi[~] e ia[~] e ligøøng[~] dsea[~] e sea[~] fí[~]
jmigüí[~] la, joba' jaléng[^] gui dsea[~]
i ja[~] cuíing[~] Fidié[~] tib[~] dsíir[~] núur[~]
e júu[^] jo. ⁶Dsu[~] jneaa[~] guíi[~], dsea[~]
quiá[~] Fidié[~] líi[~] ĩi', joba' doñi[~] ii[~]
dsea[~] i cuíing[~] Fidié[~] tib[~] dsíir[~] núur[~]
júu[^] quí[~] ii'. Jogui i dsea[~] i ja[~] cuíing[~]
Fidié[~] ja[~] jíi[~] r' júu[^] quí[~] ii'. Jo job
lí[~] líne[~] naa' i i dsea[~] i fé[^] la'eáang[~]
cóo[~] Jmiguí[~] quiá[~] Fidié[~] jogui i
i fé[^] la'eáang[~] cóo[~] bí[~] quiá[~] i dsea[~]
i 'ling[^] do.

Jaang[~] i 'néeb[~] líing[^] Fidié[~]

⁷Jo fíi[~] guíi[~] 'nú[^]', dsea[~] rú[~] naa'
i 'neáan[~] eáang[~], e dseáng[^] 'né[^] e
nijmi[~] neáang[~] naa' dsea[~] rú[~] naa',
dsuco[~] lajob[~] cangíing[~] naa' cacuø[~]
Fidié[~] jneaa[~] aa'. Jo jalém[^] dsea[~] i
jmi[~] neáang[~] rúng[^], dseáng[^] já[~] ba'
nicuíim[~] bre Fidié[~], joba' jóo[~]
dsea[~] dob nilíiĩñ[~]. ⁸Co' doñi[~] ii[~] i
ja[~] jmi[~] neáang[~] rúng[^], joba' ja[~] mí[~]
calicuíiñ[~] Fidié[~], co' jíi[~] dsea[~] íb[~]
dsea[~] líiĩñ[~] jaang[~] i 'néeb[~]. ⁹Jogui laco[~]
nililí[~] naa' jial tíi[~] 'neáaiñ[~] jneaa[~] aa',
joba' Fidié[~] casíiñ[~] i Jóor[~] camíing[~]
do fí[~] jmigüí[~] la e laco[~] la'eáang[~] ír[~],
cøøm[~] nilisee[~] naa' cóo[~] Fidié[~] lata[~].
¹⁰Jo lajob[~] líne[~] naa' jial tíi[~] 'neáang[~]
Fidié[~] jneaa[~] aa'; dsu[~] jneaa[~] aa'
ja[~] cajmi[~] neáang[~] naa' dsea[~] do
la'uii[~], co' í[~] bre dsea[~] cajmi[~] neáaiñ[~]
jneaa[~] aa' la'uii[~], jo uíing[~] lajoba'
casíiñ[~] i Jóor[~] i cajúng[~] fí[~] dse[~] crúu[^]
do e laco[~] ca'íng[~] dsee[~] quí[~] ii'.

¹¹ Jōba' fōn' tūu 'nú', dseà rú' naa' i 'neáan' eáang', e laco' nicajmi'neáang' Fidiéé' jneaa'aa', lajob cajo jneaa'aa' 'né' nijmi'neáang'naa' dseà rú' naa'.
¹² Dsu' e já' , jii' jaang' dseà ja quí' r' jmi' níiñ' Fidiéé' dseáng' lana, jo dsu' song jmi'neáang'naa' rú' naa', joba' seem' Fidiéé' cōo' jneaa'aa' contōong' , jogui dseà do jmi'neáam'bre jneaa'aa' laco' si'f' .
¹³ Jo ne' baa' rōō' e cōom' see' naa' cōo' Fidiéé' jogui dseà do cōom' seeiñ' cōo' jneaa'aa' contōong' la'eáang' cōo' Jmiguí' quiá' r' e nicang'ing' naa'.
¹⁴ Jo cō' jneá' dseáng' nicané' baa', joba' cuōong' fē'e' e já' e Tiquí' ii' Fidiéé' casíiñ' Jōo' Dseà Jmáang' fí' jmigüí' la e laco' nileáin' dseà jmigüí' jee' dsee' quiáin' .
¹⁵ Jogui doñí' ii' i jáb' líng' jogui fé'r' e já' ba' e Jesús líiñ' i Jōo' Fidiéé' camíng' i cagüéng' fí' jmigüí' la, joba' i dseà í' cōom' seeiñ' cōo' Fidiéé' , jogui Fidiéé' cōom' seeiñ' cōo' dseà do cajo.

¹⁶ Jo cō' lajob líí' , joba' dseáng' nicaline' baa' jogui jáb' líi' cajo, e eáam' jmi'neáang' Fidiéé' jneaa'aa'. Jogui cō' jáb' e dseà do líiñ' jaang' i 'né' quí' ii', joba' doñí' ii' dseà i seeng' i jmi'neáang' rúng' , seem' bre cōong' cōo' Fidiéé' jogui Fidiéé' seem' bre cōong' cōo' dseà do cajo. ¹⁷ Jo cō' nisitab' dsi' naa' e jmi'neáam' Fidiéé' jneaa'aa' laco' si'f' , joba' jo 'né' jmó' naa' 'gó' naa' mĩ' nití' í' e niquidsí' Fidiéé' í' quiá' jalé' dsee' quiá' dseà, cō' laco' gui líng' Dseà Jmáang' 'ñia' r' , lajob líí' jneaa'aa' fí' jmigüí' la cajo. ¹⁸ Jo song see' baa' e Fidiéé'

jmi'neáaiñ' jneaa'aa', joba' ja 'gó' naa' fí' quini' dseà do mĩ' niquidsir' í' quí' ii'. Jo cō' dseáng' laco' si'f' jmi'neáang' dseà do jneaa'aa', joba' jgiéem' e 'gó' naa' do. Jo song ii' jneaa'aa' jáa' quí' ii' e 'gó' naa', dsu' e jo líí' uii' quiá' jalé' dsee' e 'né' quí' baa'. Joba' song eáang' lí' naa' e 'gó' naa', joba' ja mí' calita' dsi' naa' e 'neáam' Fidiéé' jneaa'aa' dseáng' laco' si'f' .

¹⁹ Jo cō' Fidiéé' dseà la' uii' cajmi'neáaiñ' jneaa'aa', joba' jmi'neáam' baa' dseà rú' naa' jogui jmi'neáam' baa' Fidiéé' cajo. ²⁰ Jo song seeng' dseà i jing' e já' ba' 'neáaiñ' Fidiéé' , jo dsu' lajee' jo ta' 'ní' níing' jaléng' dseà rúm' jmóor' , joba' i dseà í' líiñ' jaang' i adseam' . Cō' song jaang' dseà ja jmi'neáaiñ' dseà rúin' i níiñ' contōong' , joba' ja quí' r' jmi' nijmi'neáaiñ' Fidiéé' , cō' dseà dogui ja mí' cangáaiñ' jii' cōo' né' . ²¹ Jo 'ñiab' Dseà Jmáang' cajín' e júu' quiá' Fidiéé' e 'né' lití' na: "Doñí' ii' dseà i jmi'neáang' Fidiéé' , lajob 'né' jmi'neáaiñ' dseà rúin' cajo."

Jial lí' naa' e ja ligōong' naa' cōo' jalé' e 'lí' e sea' fí' jmigüí'

5 Jo doñí' ii' 'nú' e dseáng' jáb' líng' na' e Jesús líiñ' Dseà Jmáang' i casíng' Fidiéé' fí' jmigüí' la, joba' i dseà í' jōo' Fidiéé' líiñ' ; cōfa' jneaa'aa' jmi'neáam' baa' jaléng' tiquí' ii', joba' la quie' tí' jaléng' rúm' baa' jmi'neáang' naa' jóng. ² Jo nitab' dsi' naa' e dseáng' jmi'neáam' baa' jaléng' dseà i líng' jōo' Fidiéé' mĩ' jmi'neáam' bí' Fidiéé' 'ñia' r' jogui núu' bí' dseáng' laco'

catíng̃ jalé' júu^ 'né' liti~ quiá'r̃.
³Jo song jmi'neáam'baa' Fidiéé',
 joba' núu'~baa' e júu^ quiá'r̃ do;
 jo o' júu^ ii' e jo fa' ja' quí' jmií~
 nijmití'ii'. ⁴Jo jaléng' dseá i líng'
 jóo' Fidiéé', lí'bre e ja' ligøoiñ' cóo'
 jalé' e 'lí' e seá' fí' jmigüí'. Jogui
 la'eáang' e jáb' lí'naa' e Jesús líiñ'
 Dseá Jmáang̃, joba' calí'baa' e ja'
 caligóng'naa' cóo' jalé' e 'lí' e seá'
 fí' jmigüí'. ⁵Jo jíí' i dseá i já' líng'
 e Jesús líiñ' jóo' Fidiéé', jíí' í'bing'
 lí' e ja' ligøong' cóo' jalé' e 'lí' e
 seá' fí' jmigüí'.

**Júu^ e cacuø' Fidiéé' quiá'~
 Jóor' Dseá Jmáang̃**

⁶Jo i Jesús i líng' Fii'naa' Dseá
 Jmáang̃, dseá íb' i cagüéng̃ fí'
 jmigüí' la jo cajgáaiñ' jmií' jogui
 catuü' jmi'øoiñ' mi' cajúin' e laco'
 cuø' lí' quiá' jalé' ta' quiá'r̃ e
 cajajméer' fí' jmigüí' la. Dsu' o'
 jíí' e cajgáaiñ' jmií' do, co' 'né'
 laji' túb' colíng̃, e cajgáaiñ' jmií'
 do cóo'gui jmi'øoiñ' e catuü' mi'
 cajúin'. Jo e Jmiguí' quiá' Fidiéé'
 do tíí' ni' jogui cuø' júu^ quiá' jalé'
 e jo, jogui jmang' júu^ jáb' cuø' e
 Jmiguí' quiá' Fidiéé' do. ⁷Jo líí'
 laco' 'ní' íng' e tíí' ni' do jogui
 cuø' júu^ quiá' e jo: ⁸Jo ca'fíng' do
 Jmiguí' quiá' Fidiéé', jo ca'fíng'gui
 e cajgáang̃ Dseá Jmáang̃ jmií',
 jogui e ca'fíng'gui do e jmi'øong̃
 e catuü' quiá' Dseá Jmáang̃
 mi' cajúin', jo røøb' júu^ quiá'
 laca'fíng' do. ⁹Jogui jáb' lí'naa'
 lajíí' júu^ e cuø' dseá jmigüí'
 quiá' lajíí' e cangár', dsu' e júu^ e
 cuø'gui Fidiéé' eáang'gui 'né' já'
 nilí'naa', co' laniing'gui líí', dsuco'
 Fidiéé' cuø'r' júu^ uii' quiá' Jóor'

Dseá Jmáam'. ¹⁰Jo ii' i já' líng' e
 júu^ e cacuø' Fidiéé' quiá' Jóor',
 joba' dseáng' ím'bre e júu^ jo car'
 ngocáng' dsír'. Jogui ii' i ja' já'
 líng' lajíí' e júu^ e cacuø' Fidiéé'
 do, joba' líí' lafa' fé'r' e Fidiéé' líiñ'
 jaang' i adsee', co' ja' já' líiñ' lajíí'
 júu^ e cacuø' dseá do uii' quiá'
 Jóor' Dseá Jmáang̃. ¹¹Jo e lab júu^
 e cacuø' Fidiéé' jneaa'aa' e cuøøng'
 see'naa' cøøng' cóo'r̃ lata~, jo e
 jo cacuø'r̃ jneaa'aa' la'eáang' cóo'
 Jóor' Dseá Jmáang̃. ¹²Jo doñí' ii' i
 seeng' cøøng' cóo' i jóo' Fidiéé' do,
 joba' seem'bre cøøng' cóo' Fidiéé'
 lata~; jogui ii' i ja' seeng' cøøng'
 cóo' i jóo' Fidiéé' do, joba' ja' seeiñ'
 cøøng' cóo' dseá do lata' cajo.

Júu^ lí' cadséng̃ e lú' Juan

¹³Joba' jmo'lo jalé' júu^ e too' fí'
 ni' jì' la e catíng̃ jaléng' 'nú' e
 laco' nilíñí'na' e seeng'na' cøøng'
 cóo' Fidiéé' lata~, 'nú' dseá jáb'
 líng'na' e Jesús dseáng' já' líiñ'
 jóo' Fidiéé'.

¹⁴Jogui nitab~ dsi'naa' mi' líng'
 eé' míí'naa' Fidiéé' e cøøng' cóo'
 lajíí' e iñ' 'nia'r', joba' núu'bre júu^
 quí'ii'. ¹⁵Jo mi' dseáng' nina'baa'
 røø e jáb' núu' Fidiéé' jalé' júu^
 quí'ii', lajoba' nita' dsi'naa' e
 dseáng' nicangám'baa' lajíí' e
 nicamíí'naa're do.

¹⁶Jo song jaang' dseá nír' e
 jaang'gui dseá rúin' éer' dsee~, jo
 song e dsee' jo ja' jmóo' e 'naang'
 dseá cóo' Fidiéé' lata~, joba' 'né'
 nim'f'r Fidiéé' uii' quiá' i dseá í'
 e laco' nitúin' do e jo, jo lajoba'
 Fidiéé' nicuø'r' e niliseem'biñ'
 do cøøng' cóo'r̃ song e dsee' e
 seá' quiá' dseá do ja' líí' quiá'

cóo' dseē e jmóo' e 'naang' dsea' cóo' Fidié̄̄ latā. Dsu' e já'̄, seab' dseē cajo e jmóo' e 'naang' dsea' cóo' Fidié̄̄ latā, jo ja' fál'a e 'né-mí'~naa' Fidié̄̄ uii' quiá'̄ e dseē jo. ¹⁷Dsu' jaléb' e ga' e jmóo' dsea', dseeb' líí' fí' quini' Fidié̄̄; dsu' seab' e dseē do e ja' jmóo' e 'naang' dsea' cóo' Fidié̄̄ latā.

¹⁸Jo nine~baa' røø' e jaléng' dsea' i fé' e já'ba' Fidié̄̄ dseáng' lííng' Tiquiá'r, joba' jo' beáng'gui dseē yaaiñ~, dsucó' 'ñia' i jóo' Fidié̄̄ dob nijmóo' í' ír, jo lajoba' jo' dsiquiéeng' fii' i 'líng' cáaiñ' e nijmeáng'neiñ' ga'. ¹⁹Jogui nine~baa' røø' e jóo' Fidié̄̄ líí'ii', jogui lajiing' dsea' i ja' jíi' Fidié̄̄,

fii' i 'lím'bing' quie' nifi' quiá'r. ²⁰Jogui nine~bái' cajo e nicagüém' i 'ñia' jóo' Fidié̄̄ do fí' jmigüi' la e laco' cacuø'r' jneaa'aa' e nilicuíng'naa' dseáng' i Fidié̄̄ i já' do. Jo lana cøøm' nisee'naa' cóo' i Fidié̄̄ i já' do jogui cóo' i jóor' Dsea' Jmáang' do cajo. Jo í'bing' lííng' dseáng' i Fidié̄̄ i já' do, jo la'eéang' cóo' íb' cajo ngííng'naa' e see'naa' cøøng' cóo' Fidié̄̄ latā. ²¹Joba' liúung'guíi 'né', dsea' rú'naa' i lafa' jóo'o, jmee' í' yaang~na', jo ja' güiligøøng'na' e nijmiféng'na' dié̄̄ i o' já'.

Jo lajob nilí'.

Jo lanab jíi' fé' ji' la'uii' quiá'r Juan.